

ՀԱՅԱՍՏԱՆԻ Մ. Թ. Ա. VII—I ԴԱՐԵՐԻ ԽԵՑԵՂԵՆԻ ԲՆՈՐՈՇ ՄԻ ՁԵՎ

Վերջին տարիներին Սովետական Հայաստանի մի շարք վայրերում (Արմավիր, Գառնի, Հացավան և այլն) սիստեմատիկ պեղումները շնորհիվ և պատահաբար հայտնաբերվել են մեծ քանակությամբ վաղ հայկական (աքեմենյան) և հելլենիստական շրջանի խեցեղեն իրեր, որոնք մեծ հետաքրքրություն են ներկայացնում մ. թ. ա. VI—I դարերի նյութական մշակույթի վարկեր ձյուղերից մեկի՝ խեցեգործության ուսումնասիրության համար:

Սույն հոդվածում քննության է առնվում խեցեղեն անոթների ամենատարածված տեսակներից մեկը՝ թասերը, այսպես կոչված փալաները, որոնք օդտադործվել են հեղուկ նյութեր խմելու համար, և, հավանաբար, եղել են այդ նպատակին ծառայող հիմնական անոթներից մեկը: Հայաստանի, Վրաստանի և Ադրբեջանի աքեմենյան և հելլենիստական շրջանի դամբարաններում, որպես կանոն, նրանք դրվում էին սափորների բերանին: Թասերին բնորոշ է կիսազնդան ցածր իրան, ներձկված բարձր վիզ (վերին մաս), իրանի և վիզի միացման շեշտված անցում, կլոր հատակ: Մի քանիսը ներսից ունեն փոքր ելուստ: Թասերն իրենց ընդհանրություններով հանդերձ իրարից տարբերվում են կավի որակով, մշակումով և ճարտարանքով: Նրանք, ըստ իրենց ճարտարանքի, բաժանվում են երեք խմբի՝ միապույն, գունազարդ, ակոսավոր և ուռուցիկ զարդերով թասեր:

Առաջին խմբի մեջ մտնում են առանց անդորի, թխավուն, կարմրավուն և վարդագույն թասերը, ինչպես նաև վիզը դրսից ու ներսից կարմիր, դարչնագույն, կամ ներսից ամրոջույթյամբ, դրսից՝ միայն մասամբ անգործով պատած թասերը: Դրանք հայտնի են դեռևս ուրարտական շրջանից (տախտ. I₃): Արգիշտիխիյի լիում (Նոր Արմավիր) գտնված կիսազնդան իրանով, ոչ բարձր ներձկված վիզով, շեշտված անցումով թասը (մ. թ. ա. VIII դարի) դրսից ու ներսից պատած է մուգ-կարմիր ներկով և փայլեցված է: Ընդհանրապես վերին մասը ներձկված, շեշտված անցումով, փռված ուրարտա-

կան թասերը տարբերվում են փալաներից միայն հարթ հատակով ու պսակից ներքև ցածր հաստ մասով:

Այս տեսակներից ուշադրության արժանի է Արմավիրում հայտնաբերված ուրարտական թասերի մի այլ տեսակ (տախտ. I₂): Դրանք նրբախեցի են, ուղղահայաց բարձր վերին մասով, հետևաբար անցումը իրանին սահուն է, երկու երեսից պատած են կարմիր ներկով և փայլեցրած (1967 թ. № 25, 39 և այլն): Ինչպես կտեսնենք հետագայում, վաղ հայկական և հելլենիստական թասերի մեջ մեծ թիվ են կազմում նաև ուղղահայաց կամ քիչ լայնացող վերին մասերով թասերը, որոնք ունեն համեմատաբար նուրբ, սահուն անցում: Արմավիրում հայտնաբերված թասերից մի քանիսը որոշակիորեն նմանվում է Արգիշտիխիյի լիումի անոթին (տախտ. I₄): Դրանք ներսից ամրոջույթյամբ, դրսից միայն վերին մասում կարմիր և մուգ կարմիր անգործով պատած, հողի տակ մնալուց առաջացած (ուրարտական խեցեղենին բնորոշ) սև խալերով թասեր են (ՊՊԹ 2256/40, 2287/39, Արմավիր 1964 թ. № 56, 1966 թ. № 65, 86 և այլն): Այս թասերը պատկանում են ամենահինների խմբին և կարող են թվագրվել մ. թ. ա. VI—V դարերով: Իրենց արտաքին ձևերով ուրարտական թասերին շատ մոտ են նաև Գառնիում, պալատական շենքի առջևից հայտնաբերված թասերը (տախտ. I₅₋₇): Այդ նրբախեցի թխավուն թասերը, որի հայտ են եկել 4—5,5 մետր խորությունից, վաղ հայկական տեղական խեցեղենի հետ, ունեն ներձրկված ցածր վերին մաս, լավ փայլեցրած մակերես (1965 թ. № 43, 49, 117 և այլն):


Վաղ հայկական շրջանին պատկանող, լավ թվագրվող թասեր հայտնի են Կարմիր-բլուրի քաղաքային մասից և Ջրառատից¹: Դրանք ու-

¹ А. А. Мартиросян, Раскопки Артефтинини, „Советская археология“, № 4, 1967, № 5:

² А. О. Мнацаканян, Г. А. Тирациян, Новые данные о материальной культуре древней Армении, „Известия АН Арм. ССР“ (обществ. науки), № 8, 1961, էջ 76 և հտ., տախտ. 4:

³ А. А. Мартиросян, Город Тешебаини, Ереван, 1961, էջ 144—145, № 68:

⁴ А. О. Мнацаканян, Г. А. Тирациян, № 4, տախ., էջ 76 և հտ., տախտ. 4:



Տախտակ 1

նեն թխավուն, բարձր, դեպի դուրս լայնացող վերին մաս և լավ փայլեցրած մակերևույթ։ Մ. թ. ա. V—IV դարերով կարող են թվագրվել նաև Արին-բերդում գտնված (տախտ. II₃) թխավուն, լավ թրծած ու փայլեցրած, պսակից ներքև ներճկված ցածր մասով թասը (ՊՊԹ 2162/190, տրամ. 15 սմ, բարձր. 6—7 սմ), Կամո քաղաքում գտնված (տախտ. I₁₈) բաց դարչնագույն, անփայլ մակերեսով խոր թասը, որն ունի փոքրիկ հարթ հատակ (ՊՊԹ 2257/48, տրամ. 13 սմ, բարձր. 7,3 սմ), և Մարտունու շրջանի Վարդաձոր գյուղի մոտ գտնվող ուրարտական ամրոցից բերված թասի բեկորը։ Վերջինս թխավուն է, բարձր, լայնացող վերին մասով և լավ մշակված մակերեսով։ Այն նմանվում է Կարմիր-բլուրի վերոհիշյալ թասին։

Մեր ձեռքի տակ եղած՝ Արմավիրում և Գառնիում հայտնաբերված մի շարք թասեր ևս հա-

վանաբար կարելի է համարել մ. թ. ա. V—IV դարերի արտադրանք, քանի որ նրանք որոշակի նմանություն ունեն վերը թված խեցեղենի հետ (Գառնի 1965 թ. №№ 32, 63, 82, 95, 96, ՊՊԹ 2256/12, 31, 76 և այլն)։

Թասերի մի մեծ խումբ պատկանում է հելլենիստական շրջանին։ Դրանք տարբեր խորություն, ուղիղ և պսակից ներքև ներճկված, առանց անգորի կամ էլ օխրայի, վարդագույն ու կարմրավուն անգորով անոթներ են (ՊՊԹ 2099/32, 39, 2256/2, 2287/7, 21, 42, 55, Գառնի 1964 թ. №№ 12, 22, 43, 59 և այլն, 1965 թ. №№ 5, 49, 63, 91 և այլն, 1967 թ., Արմավիր 1964 թ., № 32, 1967 թ. №№ 1, 14, 1968 թ.)։ Այս թասերի մեջ հաճախ ենք հանդիպում նաև ներսից անգոր քսած (Գառնի, Արմավիր, Հացավան, Արտաշատ) կամ վերին մասը դրսից ու ներսից, կամ մի կողմից լրիվ, մյուս կողմից

կիսով չափ անդորած թասեր (տախտ. I 11, 12, 14, 17, 19, 20):

Հելլենիստական թասերի հարդարմանը, բացի հավասար քսված ու մշակված անգործից, բնորոշ է նաև բաց օխրայի, թխավուն, բաց կարմիր անհավասար և շերտերով քսված անգործ կամ նոր քսված անգործի տակից երևում է կավի պոչներ (տախտ. IV 1, 6): Գունային էֆեկտներ ստեղծելու այս ձևերը, հանդես գալով վաղ հայկական ժամանակներում, լայն տարածում են ստանում հելլենիստական շրջանում, երբ խեցեղենը գունազարդելու ավանդույթը հասել էր իր ծաղկման ու զարգացման գագաթնակետին: Սրանք հայտնաբերվել են Արմավիրի, Հացալանի և Գառնիի հելլենիստական (մ. թ. ա. III—I դարերի) շերտերից և դամբարաններից: Վերջինս հատակին թմբիկ ունի, որն արված է մետաղյա թասերի օրինակով, հարմար բռնելու համար:

Երկրորդ խմբի մեջ մտնում են տարբեր գույներով ներկված երկրաչափական զարդերով թասերը: Մյուսներից առանձնանում են կենտրոնական խաչաձև և անվաձև (ճառագայթաձև) պատկերներով անոթները, որոնք արված են ներսից իրանի վերին մասով անցնող շրջանագծի մեջ (տախտ. I 9, 21, 24): Հարդարման այս եղանակը առաջացել է նախորդ ձևերից, հելլենիստական շրջանում: Վարպետը ամանին աշխույժ տեսք հաղորդելու համար, ամբողջությամբ ներկելու փոխարեն, ներսում բաց ֆոնի վրա կարմիր ներկով պատկերել է խաչաձև կամ անվաձև (ճառագայթաձև) զարդ, ստեղծելով երկու գույների համադրություն: Արմավիրի գունազարդ խեցեղենի մեջ դա ամենատարածված զարդերից է և հետաքրքիր է, որ այդօրինակ բոլոր թասերը Արմավիրից են:

Այս ձևով են զարդարվել տարբեր խորության անոթները, փոխված ափսիները, պնակները, երկկանթանի ջրամանները (կենտրոնական շրջանագծերը) և այլն, որոնցից մեծ քանակությամբ գտնվել են Արմավիրում⁵, Արտաշատում⁶ և Գառնիում⁷:

⁵ Գ. Ա. Տիրացյան, Հացալանի ամբողջի 1962 թ. պեղումները, ՀՍՍՀ ԳԱ «Տեղեկագիր» (հաս. գիտ.), № 12, 1962, էջ 105: Ինչպես նաև Հացալանի հանորդ տարիների պեղումները: Ա. Օ. Мнацаканян, Г. А. Тирацян, նշվ. աշխ., էջ 77, տախտ. 7, III (ձախից): Ժ. Դ. Պաշատրյան, Հայաստանում գտնված գունազարդ խեցեղենի մի քանի նմուշներ, «Պատմա-բանասիրական հանդես», № 1, 1966, էջ 255—256, տախտ. II₂:

⁶ Г. А. Тирацян, О расписной керамике древней Армении, «Историко-филологический журнал», № 3, 1965, տախտ. II₄:

տում, Գառնիում, Դվինում (ՊՊԹ 2287/7, 9, 34, 43, 47, 53, 2256/1 և այլն): Նման խաչաձև զարդերով փոքրիկ թասեր հայտ են եկել Դվինում, Գառնիում կարասային թաղման մեջ, Ալեքսանդր Մակեդոնացու արձաթյա դրամի հետ միասին, Զվարթնոցում և Արևշատում (Աղ-րաշ): Նույն եղանակով է հարդարված նաև Գառնիում կարասային թաղման մեջ բացված փոքր պուլիկը, որի մակերեսին, բաց ֆոնի վրա, կարմիր ներկով ուռուցիկ մասում արված գոտին հատվում է վզի գոտուց իջնող ժապավեններով: Բաց դեղնավուն ֆոնի վրա կարմիր ներկով խաչաձև նախ է պատկերված էջմիածնի թանգարանի հավաքածուի երկու սափորների և ծորակով անոթի հատակին (ՊՊԹ 766/123, 766/127):

Ուշադրով են ալիքաձև, զիգագաձև, եռանկյունաձև նախշերով զարդարված նրբախեցի թասերը: Սրանք մեծ մասամբ հայտնաբերվել են Գառնիում: Նրանցից մեկի (թերի) վերին մասում ներսից, բաց ֆոնի վրա, արված է երեք եռանկյունի, որոնցից մեջտեղինը դարչնագույն է, կողքերինը՝ կարմիր: Դրսից, ներձկված մասի հիմքով, բաց դարչնագույն ֆոնի վրա կարմիրով տարված է ալիքաձև զարդ (տախտ. III 7), այս թասը հայտնաբերվել է 1,80 մ խորությունից: Երկրորդ, իրար մեջ հագած երկու եռանկյունիներով զարդարված թասի մի բեկոր էլ գտնվել է Արմավիրում 4F քառակուսուց, 75 սմ խորությունից (1969 թ. № 130): Թասերից մյուսի (թերի) վերին մասը ներսից զարդարված է բաց ֆոնի վրա արված՝ իրար մեջ հագած երեք դարչնագույն եռանկյունիներով (տախտ. III 5): Ուրարտական թասերի նման ներձկված մասը ցածր է, մակերեսը լավ մշակված, փայլեցված է միայն վերին մասը, գտնվել է 3,5 մ խորությունից: Երրորդ նմուշի վերին մասը (տախտ. III 6) ներսից զարդարված է չորս կարմիր ու շագանակագույն մեկընդմեջ արված իրար հաջորդող եռանկյունիներով (պս. տր. 15 սմ, բարձ. 6,5 սմ): Ներձկված մասը նման է առաջինին, բայց անցումը համեմատաբար նուրբ է, դարձյալ փայլեցված է միայն վերին մասը: Հայտնաբերվել է 3 մ խորությունից: Չորրորդի պսակը դրսից պատած է կարմիրով, ներձկված մասի հիմքով անցնում է կարմիր գոտի, իսկ ներսից կարմիրով ու դարչնագույնով արված մեկընդմեջ եռանկյունիներից փոքրի մեջը լցված է նույն գույների ուղղահայաց գծերով (տախտ. III 3): Գտնվել է 2,80 մ խորությունից: Գառնիի թասերից երկուսի վերին մասը ներսից զարդարված է կարմիր և մուգ դարչնագույն

⁷ Ժ. Դ. Պաշատրյան, նշվ. աշխ., էջ 225, տախտ. III—4:

գիզգազաձև գոտիներով (տախտ. III 1, 4, մեկի պս. տր. 14 սմ, բարձր. 7,5 սմ): Գտնվել են 3 մ խորություներից:

Նման երկգույն զարդերով խեցեղեն հանդիպում է վաղ հայկական և հատկապես հելլենիստական շրջանում: Մեկընդմեջ գոտիներով են զարդարված Գեղադիրի տափաշիշը⁸, Կարմիրբլուրի կից անոթները և այլն, իսկ և՛ ռանկյունաձև նախշերով հարդարված են մ. թ. ա. V—IV դարերի վազաները⁹ (ալաբաստրները): Արմավիրում, ուրարտական տան մեջ գտնված բարձր իրանով վաղ հայկական անոթի մակերեսին սեփով արված է իրար մեջ հագած երեք և՛ ռանկյունի:

Գառնիում նույն (76, Ե) քառակուսում, որտեղից և գունազարդ թասերն են, 3—4 մ խորություներից հայտնաբերվել են ցանցաձև, և՛ ռանկյունաձև նախշերով մի շարք անոթների բեկորներ (Գառնի, 1965 թ., №№ 40, 50, 53, 64, 82, 95, 98 և այլն), այդ թվում նաև երկգույն և ռանկյունիներով (ՊՊԹ 2288/52): Գառնիի թասերը աղերսվում են Վրաստանում, Ղուլչիից հայտնաբերված աբեմեյան շրջանի սափորներին¹⁰ և Աղբեջանից՝ Քաբալայի բարձր ոտքով սկահակի¹¹ հետ, որոնք զարդարված են այգօրինակ ռանկյունիներով:

Սակայն Գառնիի թասերն ամենից ավելի աղերսվում են Թեյշեբախիի միջնաբերդում հայտնաբերված ուրարտական երկարաճիտ կոշիկի ձև ունեցող անոթի և գունազարդ ասկոսի՝ որոշ մոտիվների հետ, որը կապվում է միջերկրածովյան, փոքրասիական խեցեղենի հետ: Վերջինիս իրանի ներքին կեսը պատած է մուգ կարմիր ներկով: Վերին մասում կաթնավուն ֆոնի վրա դարչնագույնով և կարմիրով պատկերված են զանազան երկրաչափական զարդեր, այդ թվում և մեկընդմեջ իրար հաջորդող և՛ ռանկյունիներ, որոնք և՛ ներկերի գույնով, և՛ զարդերով ճշտությամբ կրկնված են Գառնիի թասերի վրա: Ուսումնասիրությունները ցույց են տալիս, որ վաղ հայկական և հատկապես

հելլենիստական գունազարդ խեցեղենը իր զարդամոտիվներով և հարդարումով նույնպես առընչվում է հունական, փոքրասիական խեցեղենի հետ, ինչպես նաև իր գուգահեռներն ունի իրանում¹²: Այս տեսակետից Թասերի վերոհիշյալ խմբին կարելի է միացնել նաև Գառնիում, նույն քառակուսուց (3,40 սմ խորություներից) հայտնված բեկորը, որի վերին մասում ներսից, կաթնավուն ֆոնի վրա սև ներկով արված աղեղնաձև իջնող գուգահեռ գծերից վեր, դարչնագույնով պատկերված է աստիճանաբար իջնող ալիքաձև զարդ (տախտ. IV 1):

Այսպիսով, վերը բերված գուգահեռները թույլ են տալիս Գառնիի թասերից առաջինը, որը հայտնաբերվել է վերին շերտերից, և Արմավիրի հելլենիստական շերտից գտնված թասի բեկորը համարել մ. թ. ա. III—II, իսկ մյուսները՝ մ. թ. ա. V—IV դարերի արտադրանք: Այդ գույներն ու զարդերը լայնորեն տարածված են և՛ Ղևզ նաև հելլենիստական շրջանում: Իրար մեջ արված և՛ ռանկյունիներով և զիզգագներով են զարդարված էջմիածնի հավաքածուի վերոհիշյալ անոթները: Չնայած արխայիկ ձևերին, նրանք իրենց հարդարանքով շատ են հիշեցնում հելլենիստական շրջանի խեցեղենը: Հելլենիստական շրջանում նորից վերակենդանանում են արխայիկ ձևերն ու զարդերը, հարստանալով նոր մոտիվներով, ստանում են նոր իրանգավորում: Մինչև վերջերս և՛ թաղարվում էր, թե վաղ հայկական ու հելլենիստական շրջանի գունազարդ խեցեղենը իր նախշերով քիչ է կապվում ուրարտական գունազարդ խեցեղենի հետ: Սակայն Գառնիի մ. թ. ա. V—IV դարերի թասերը վկայում են, որ ուրարտական գունազարդ խեցեղենի ավանդույթները ևս շարունակվել են հետագայում:

Այդ և՛ հաստատում նաև Արմավիրի, Գառնիի, Վանի, Ալթին-թեփեի նորահայտ թասերի բեկորները: Արմավիրի թասի (տախտակ III 2) վերին մասը ներսից մարմնագույն ֆոնի վրա կարմիր ներկով պատկերված են պսակից դեպի իրանն իջնող և՛ ռանկյունիներ: Թասը լավ փայլեցված է: Ալթին-թեփեի և Վանի թասերի մի մասի և՛ ռանկյունիները եղերված են մուգ մոխրագույնով և հենվում են վզին արված և՛ ռանկյունիների ծայրերին, իսկ մյուս մասի մեկընդմեջ և՛ ռանկյունիները լցված են այլ գույնով կամ ընդհատվում են քառաթև վարդյակով: Վերոհիշյալ խեցեղենի և՛ ռանկյունաձև զարդերը նույնպես աղերսվում են ուրարտական

⁸ Նույն տեղում, էջ 253 և հտ., տախտ. 11:

⁹ Г. А. Тирация, О расписной керамике древней Армении, тախտ. 13—17, II:

¹⁰ Б. А. Куфтин, Археологические раскопки 1947 года в Цалкинском районе, Тбилиси, 1948, էջ 7 և հտ., տախտ. III:

¹¹ С. М. Казиев, Из истории Кабалинского магала, „Вопросы истории Кавказской Албании“, Баку, 1962, տախտ. X2:

¹² Б. Б. Пиотровский, Город бога Тейшебы, „Советская археология“, № 2, 1959, էջ 175—176, նկ. 4: Նույնի Искусство Урарту, Л., 1962, տախտ. XXVIII:

¹³ Г. А. Тирация, О расписной керамике древней Армении, Ժ. Դ. խաչատուրյան, Հայաստանում գտնված գուգահեռ խեցեղենի մի քանի նմուշներ:

խեցեղենի՝ կարասների, երկկանթանի սափորների վրայի եռանկյունիների հետ¹⁴։

Եռանկյունաձև զարդերը հելլենիստական խեցեղենի ամենաբնորոշ ու տարածված զարդերից մեկն են։ Դրանք հանդիպում են նոր Արմավիրի ծորակավոր մեծ անոթի, Գառնիի գունազարդ կարասի, Արևշատի մի կանթանի սափորի¹⁵, Արմավիրում գտնված հելլենիստական շրջանի ջրամանի, մեծ անոթի (1969 թ. № 127) և այլ անոթների վրա։ Մեր եռանկյունիները հիշեցնող գունավոր նախշերով են զարդարված նաև խորեզմի¹⁶ կանգյունյան ժամանակաշրջանի խեցեղեն անոթներն ու Ադրբեջանի կարասային թաղումներից¹⁷ հայտնաբերված գունազարդ խեցեղենը։ Արմավիրի թասը, որը, ինչպես վերը տեսանք, եռանկյունաձև զարդերով աղերսվում է ուրարտական խեցեղենի հետ, իր մշակումով տարբերվում է նրանցից (3D քառ)։ Այն հայտնաբերվել է վաղ հելլենիստական շերտից խաչածեղ զարդերով թասերի և այլ իրերի հետ միասին և թվագրվում է մ. թ. ա. IV դարի վերջով—III դարով։ Ալթին-թեփեի գունազարդ խեցեղենը հայտնաբերվել է շինարարական երկրորդ շերտից՝ սյունազարդ դահլիճից, որը Թ. Օզգյուլը համարում է մ. թ. ա. VII դարի II կեսի կառուցվածք¹⁸, ուստի այնտեղից հայտնաբերված խեցեղենը թվագրվում է նույն ժամանակով¹⁹։ Վանի գունազարդ խեցեղենը, ըստ Օստենի, պատկանում է ավելի վաղ շրջանի (մինչ 714 թվականը), քան որ Թուրքիա-կալեում գունազարդ խեցեղեն չի հայտնաբեր-

վել²⁰։ Մինչդեռ Մաոի սելդումների ժամանակ, Թուրքիա-կալեում հայտնաբերվել են նաև գունազարդ խեցեղենի բեկորներ, որոնք պահվում են պետական էրմիտաժի արևելքի բաժնում (№№ 16020, 16588)։ Դրանք երկու փոքրիկ պուլիկների բեկորներ են՝ հարգարված կարմիր, բաց և սև գույներով, ծաղկաշղթայով և եռանկյունիներով։ Անոթները իրենց ձևերով ու զարդերով պատկանում են մ. թ. ա. V—IV դարերին և ձայնակցում են Կարմիր-բլուրի վերոհիշյալ կից անոթների, Արմավիրի և Գառնիի վաղ հայկական և հելլենիստական պուլիկների հետ։

Ալթին-թեփեի մ. թ. ա. VII դարի II կեսով թվագրվող սյունազարդ դահլիճը Բ. Բ. Պիոտրովսկու կարծիքով չի կարող ուրարտական մշակույթին վերաբերել, քանի որ այն մասամբ ծածկում է մ. թ. ա. VIII դարի II կեսի հիպոստիլ դահլիճով ուրարտական տաճարը։ Անկասկած սյունազարդ դահլիճը կառուցված է ավելի ուշ, աթենյան շրջանում, ինչպես էրեբունիում։ Կ. էմոնեն, Ալթին-թեփեի գունազարդ խեցեղենը համեմատելով Վանի գունազարդ խեցեղենի հետ, գտնում է, որ երկու կենտրոններում էլ նրանք նույնն են և հանդիսանում են մեկը մյուսի շարունակությունը, որ, ի տարբերություն Վանի խեցեղենի, ալիքաձև զարդերը Ալթին-թեփեում բացակայում են և որ Ալթին-թեփեի ու Վանի գունազարդ խեցեղենը իրենց մշակումով ու զարդամոտիվներով նույնն են, ինչ որ Գառնիի և Արմավիրի վաղ հայկական և հելլենիստական խեցեղենը։

Ինչ վերաբերում է անոթների ձևերին, ապա նրանք միանգամայն տարբերվում են ուրարտական միագույն խեցեղեն անոթներից և նույնպես բնորոշ են հետուրարտական շրջանին ու կարող են պատկանել աթենյան և վաղ հելլենիստական շրջանին։ Այս ամենը ևս վկայում է Ալթին-թեփեի սյունազարդ դահլիճի հետուրարտական կառույց լինելու մասին։ Բրավամբ Օստենը Վանի գունազարդ խեցեղենը համեմատում է փոյուզիականի հետ, սակայն նրանք ոչ թե ժամանակակից են, այլ նրանց վաղ հայկական և հելլենիստական գունազարդ խեցեղենի վրա զգացվում է փոյուզիականի ազդեցությունը։

Հարկ ենք համարում անդրադառնալ նաև Կ. էմոնի եզրակացություններից մեկին, ըստ որի «Ուրարտուի անկումից հետո ուրարտական խեցեղենը շօղտագործվեց այլ ժողովուրդների կող-

¹⁴ Գ. Ա. Տիրացյան, *Ուրարտական քաղաքակրթությունը և Աթենյան Բրանը*, «Պատմա-բանասիրական հանդես», № 2, 1964, էջ 162, տախտ. II₁։ С. И. Ходжаши, Керамика Эребуни, «Сообщения Гос. музея изобразительных искусств им. А. С. Пушкина», IV, Москва, 1968, էջ 136, 140, տախտ. II_{1,5}—7; А. А. Мартиросян, Раскопки Аргиштихинили, *Նկ. 4, վերին երկուսը*։

¹⁵ Գ. Տիրացյան, *Հացավան ամրոցի 1962 թ. պեղումները*, էջ 108, Նկ. 6։

¹⁶ «Керамика Хорезма», М., 1959, Նկ. 42₁₋₃։


¹⁷ С. М. Казнев, Альбом кувшинных погребений, Баку, 1960, էջ 21, տախտ. XI₁₋₄։

¹⁸ T. Ozgüc, Altintepe Architectural Monuments and Wall Paintings, Ankara, 1966, էջ 12։

¹⁹ K. Emre, The Urartian Pottery from Altintepe, «Belleten», Cilt XXXIII, Sayı 131, Ankara, 1969, էջ 291 և հտ., Նկ. 20—22, տախտ. IV₁₋₃, V₂₋₄։

²⁰ Հանդես, № 2

²⁰ H. H. Von der Osten, Die urartäische Töpferei aus Van und die Möglichkeiten ihrer Einordnung in die anatolische Keramik. I. «Orientalia», N. S. n. 21, մաս 3, 1952, էջ 310, տախտ. II—VI։



Տախտակ II

միջոցով՝ Սովետական Հայաստանում, ինչպես տեսանք վերևում, նաև Արևմտյան Հայաստանում կատարվող պեղումները վկայում են, որ Ուրարտական պետության անկումից հետո շուտով վերականգնվեցին քաղաքները, ամրոցները և բնակավայրերը։ Կազմավորվող հայ ժողովուրդը ժառանգեց ու շարունակեց ուրարտական խեցեղործության զարգացած ավանդույթները, ուստի պատահական չէ վաղ հայկական և վաղ հելլենիստական խեցեղեն անոթների նմանությունը ուրարտականին։

Գառնիի թասի վերին մասը (տախտ. IV₃) ներսից ծածկված է մուգ կարմիր ներկով, արտաքուստ, կաթնավուն ֆոնի վրա, հիմքի մոտ կարմիրով պատկերված է զիզազաձև զարդ։ Վերևում կարմիր գիծը երկու կողմից եղբրված է շաղանակադույն գծերով։ Մակերեսը լավ փայլեցրած է, թասի բեկորը հայտ է եկել

պարսպի տակ, ներսում, հելլենիստական դարարանների վերևից և թվագրվում է մ. թ. ա. IV—III դարերով։

Թասերի երրորդ խումբը զարդարված է փոսիկավոր և ուռուցիկ նախշերով և ընդօրինակված է մետաղյա անոթներից։ Ինքնատիպ հարդարանք ունեցող այդպիսի թասեր հայտնաբերվել են Արին-բերդում և Արմավիրում, որոնք պատրաստված են կաղապարի մեջ սեղմելու եղանակով։ Արին-բերդի թասերից մեկը պատրաստված է օխրայագույն կավից, երկու կողմից պատած է կարմիր անդորով և լավ փայլեցված է (տախտ. II₁), վերին մասը ներճկված է, կարճ թասի ներսում պատկերված է ինը զղալաձև փոսիկ, որոնց մեջ տեղավորված են հատակից եկող տերեւաձև զարդեր։ Գրեթե նույն ձևն ու զարդերն ունի Արին-բերդի մյուս թասը (տախտ. II₂)։ Վերոհիշյալ անոթներին որոշակի նմանություն ունեն Արմավիրում և Գառնիում գտնված բեկորները (Արմավիր, 1964 թ.

21 K. Emre, Եզգ. աշխ., էջ 301.

№ 44, 1967 թ. № 45): Արմավիրի թասերի գդալաձև ելուստները դրսից շրջապատված են ավելի ցածր ու նեղ թմբով, որոնք, առանձին մասեր փայլեցված լինելու պատճառով, ավելի զրավիչ տեսք են ստացել (տախտ. II₁₂): Գառնիի թասը պատրաստված է խոշորահատիկ թուխ կավից: Իրանի և վերին մասի միջև շեղված անցում ունի, ներսում, իրարից 1 սմ հեռավորությամբ, արված են գդալաձև փոսիկներ: Համեմատաբար կոպիտ մշակում ունեցող այս թասը դրսից ու ներսից պատած է կարմիր անգորով ու փայլեցրած է (տախտ. II₁₁):

Ուրարտական կենտրոններից՝ Թեյշեբախիից, Թոփրախ-կալից²², Արմավիրից հայտնի են ուռուցիկ զարդերով մի շարք բրոնզյա թասեր: Իր ուսումնասիրության մեջ Արին-բերդի տիպի անոթները Հ. Լուշեյը անվանում է «հակադիր ելուստներով» թասեր, որոնց ամենավաղ օրինակները հանդիպում են մ. թ. ա. VII դարում Ասորեստանում²³ և Ուրարտուում²⁴: Այն լայն տարածում է ստանում հատկապես արեմենյան շրջանում: Արեմենյան այգօրինակ թասեր են հայտնաբերվել բացի Իրանից ուրիշ վայրերում ևս, այդ թվում նաև այնպիսի հեռավոր շրջանում, ինչպիսին Ուրալն է: Վրաստանում, Քսանիի կիրճում 1908 թ. գտնված արծաթյա թասը Արին-բերդի անոթների նման ունի ինը գդալաձև փոսիկ, որոնք ավելի կլորավուն են ծայրերում, վերջինս Հ. Լուշեյը համարում է այդ տիպի արեմենյան թասերից ամենավաղը և թվագրում մ. թ. ա. VI դարի վերջով: Այս խմբին են պատկանում Կանչայետի արծաթյա և Ալգեթի ապակյա թասը: Կանչայետի թասն ունի 16 ակոս, հատակին օղակով շրջանակված 31 ծաղկաթերթով վարդյակ, իսկ Ալգեթի թասի գդալաձև փոսիկները 14 են (տր. 16 սմ): Երկուսն էլ պատկանում են մ. թ. ա. V դարի առաջին կեսին: Նման թասեր հայտնաբերվել են նաև Պերսեպոլիսից, Առաջավոր Ասիայից՝ ապակյա, Դելֆից՝ բրոնզյա, թվագրվում է մոտ մ. թ. ա. 500 թ.: Մազանդարանից՝ արծաթյա (մ. թ. ա. VI դարի վերջ), Սև ծովի հարավային ափերից

(մ. թ. ա. V դարի կես) և Մերձուրալյան շրջաններից՝ բրոնզյա, որոնցից Յուրյուզանիինը՝ մ. թ. ա. V դարի է, իսկ Կամա գետի աջ ափին, Ջուկի դամբարաններինը՝ մ. թ. ա. V—IV դարերին:

Այդպիսի արծաթյա մի թաս էլ հայտնաբերվել է Հայաստանում՝ Նրզնկայի մոտ, որի գդալաձև թմբերը շրջանակված են սրտաձև զարդերով: Դալտոնը այս համարում է մ. թ. ա. V դարի գործ, սակայն որոշ ուսումնասիրողներ, արձանագրություններ ունեցող մի շարք զուգահեռների շնորհիվ, այդ տիպի թասերը համարում են մ. թ. ա. IV դարի արտադրանք²⁵:

Արին-բերդի կավե թասերը իրենց ձևով ու հարդարանքով աղերսվում են ասորեստանյան և ուրարտական օրինակներին, ուստի ամենայն հավանականությամբ ընդօրինակվել են տեղում, ուրարտական մետաղյա թասերից, և պատկանում են նույն ժամանակին²⁷: Այդ ենվկայում ձևով, չափով ու գույներով նման, անզարդ, փոփած թասերը, որոնցից մեծ քանակությամբ հայտնաբերվել են ուրարտական կենտրոններում. սրանք հանդիսանում են ամենատարածված ձևերից մեկը: Արմավիրի բեկորները կարող են վերաբերել ուրարտական ժամանակաշրջանի վերջին փուլին: Իսկ Գառնիի վերոհիշյալ բեկորը, որը գտնվել է պալատական շենքի առջև 3 մ. խորությունից հիշեցնում է խրտանոցի մ. թ. ա. VI դարի թասը²⁸ և կարող է պատկանել մ. թ. ա. V—IV դարերին:

²⁵ Ю. М. Гагошидзе, Памятники раннеантичной эпохи из Ксанского ущелья, Тбилиси, 1964, էջ 96 և հտ., տախտ. XII—XIII; E. F. Schmidt, Persepolis, II, Chicago, 1957, էջ 92, տախտ. 673; „Художественное стекло“, Л., 1967, նկ. 3; H. Luschey, նշվ. աշխ., էջ 13, 58—59, №№ 26, 27; A. Pope, Survey of Persian Art, I, 1937, էջ 371, IV, տախտ. 120, A; H. Luschey, նշվ. աշխ., էջ 51; P. Amandry, Argenterie Achéménide, Collection Hélène Stathatos, III, 1963, էջ 260, 263, նկ. 156, տախտ. XXXVII; A. A. Нессен, Раннесвязи Приуралья с Ираном, „Советская археология“, XVI, 1952, էջ 211 և հտ., նկ. 33:

²⁶ Այդ մասին դրականություներ տե՛ս Գ. Ա. Тирациян, К вопросу о торевтике и ювелирном деле Арменни, էջ 101—102:

²⁷ С. И. Ходжаш, նշվ. աշխ., էջ 136: Գ. Ա. Тирациян, К вопросу о торевтике..., էջ 103:

²⁸ А. А. Мартirosyan, Раскопки в Головино, Ереван, 1954, էջ 26, տախտ. IX₁:

²² Б. Б. Пиотровский, Ванское царство, М., 1959, էջ 18: Գ. Տիրացյան, Ուրարտական քաղաքակրթությունը և Արեմենյան Իրանը, էջ 160 և հտ.: Գ. Ա. Тирациян, К вопросу о торевтике и ювелирном деле Арменни, „Историко-филологический журнал“, № 1, 1969, էջ 103:

²³ H. Luschey, Die Phiale. Bleichrode am Harz, 1939, էջ 16 և հտ., նկ. 14—20:

²⁴ Գ. Ա. Տիրացյան, Ուրարտական քաղաքակրթությունը և Արեմենյան Իրանը, էջ 161:

նույն ժամանակին է պատկանում նաև Գառնիում գտնված թուխ, պղպաձե զարդերով թասի հատակը: Վերջինիս ակոսները կոպիտ են, վատ հղկված (տախտ. II₁₇, 6): Այն աղերսվում է Կարա-թևիկի մ. թ. ա. V—IV դարերի սև կավանոթներից երկուսի²⁹ հետ:

Կավե թասերի մի խումբ զարդարված է ակոսավոր վարդյակներով, որոնք, ի տարբերություն նախորդների, դրսից չեն նշմարվում և արված են նախքան շորանալը, փորելու միջոցով: Այդպիսի մի թաս հայտնաբերվել է Ջրառատի մ. թ. ա. V—IV դարերով թվագրվող դամբարանից³⁰, որի հատակին պատկերված է կոպիտ արված հնգաթև վարդյակ (տախտ. II₉): Նման մյուս թասերը հայտնաբերվել են Գառնիում: Իր յուրօրինակ զարդարումով մյուսներից տարբերվում է թասերից մեկը (գտնվել է 76 բառ., 2,55 մ խորությունից): Բացի հատակի ակոսավոր վարդյակից, նրա վերին մասում երկու կողմից կարմիր ֆոնի վրա սևով արված է զիգ-զագաձև զարդ, դրսից վզի հիմքով անցնում է սև զոտի, մակերեսը լավ փայլեցրած է: Թասը թվագրվում է մ. թ. ա. V—IV դարերով³¹ (տախտ. IV₂): Այդպիսի ակոսավոր վարդյակ ունի նաև նույն տեղից հայտնաբերված մի ուրիշ թաս (2,90 սմ խոր.), որի կենտրոնը ներձեկված է, մակերեսը լավ փայլեցված (տախտ. II₁₃):

Լեզվաձև զարդերով այս թասերը նույնպես իրենց նախատիպերն ունեն ուրարտական անոթների մեջ: Այդպիսի զարդերով մետաղյա թասեր հայտնի են Թոփրախ-կալեից, Կարմիր-բլուրից³², Արմավիրից (տախտ. II₄): Ուշագրավ է Արմավիրում գտնված բեկորը (տախտ. II₇), որն ունի ուրարտական կավանոթների նման ցածր, ներձեկված վերին մաս: Նրա հատակը զարդարված է դույզ-զույգ արված լեզվակներով (տր. 17 սմ): Վարդյակը կաղմված է եղել մեկը մյուսից 1,5—2 սմ հեռավորության վրա գտնվող 10 զույգից: Մակերեսը պատած է շագանակագույն անհավասար քսված անդորով: Ձևով ուրարտական այս բե-

կորը, միջնաբերդի պահեստային մեծ շենքում գտնված նույն կավը, մշակումն ու ձևն ունեցող թասերի օգնությամբ թվագրվում է մ. թ. ա. VII դարի վերջով և VI դարով. քանի որ պահեստային այս շենքում բացի ուրարտական և միջնադարյան խեցեղենից այլ շրջանի իրեր չեն գտնվել:

Նման լեզվաձև փորված ակոսներով անոթի մի բեկոր էլ հայտնաբերվել է Գառնիում (տախտ. II₂): Դարչնագույն նրբախեցի խոր թասի բեկորը դրսից ու ներսից փայլեցրած է: Իրար մոտ անհամաչափ արված զարդերով անոթը ուրարտական վերոհիշյալ թասերի կոպիտ ընդօրինակությամբ է և կարող է պատկանել մ. թ. ա. V—IV դարերին:

Գառնիի փորված վարդյակներով թասերը աղերսվում են Ջրառատի անոթի հետ և պատկանում են նույն ժամանակին: Սակայն Գառնի ամրոցում պարսպի մոտ բացված մ. թ. ա. II—I դարերի դամբարաններից վերև գտնված վարդյակով թասի բեկորը (տախտ. II₆) վկայում է, որ այդօրինակ թասեր պատրաստվել են նաև հելլենիստական շրջանում: Վերջինիս վարդյակը կոպիտ է պատրաստված, դրսից կարմրավուն է, ներսից շագանակագույն, մակերեսը փայլեցված է: Գառնիից հայտնի են նաև, ջրամանների հետ հայտնաբերված, հելլենիստական շրջանի այդպիսի գունազարդ վարդյակներով անոթների մի քանի բեկորներ (տախտ. IV₂):

Իր նախնիներով վերոհիշյալ վարդյակներով անոթներից առանձնանում է Գառնիում հայտնաբերված թասերից մեկը (տր. 10 սմ, բարձ. 6 սմ): Խուխ կավից պատրաստված թասի ներսը (տախտ. II₁₀) զարդարված է փորագիր ծաղիկով: Կրկնակի զծերով արված խաչաձև մեծ ծաղկաթերթիկների միջև պատկերված է նույնանման շորս ավելի փոքր թերթիկ, իսկ կենտրոնում թմբիկին փոխարինում է կրկնակի շրջանը (գտնվել է 4 մ խոր.): Այն իր ձևով, բարձր ուղղահայաց վերին մասով կապվում է Կարմիր-բլուրի և Ջրառատի վերոհիշյալ վաղ հայկական թասերի հետ և կարող է պատկանել նույն ժամանակին:


Թասեր-փիալաները զալիս են ուրարտական շրջանից և իրենց զոյությունը շարունակում են մինչև առաջին դարերը: Նրանցից ակոսավոր ու ելուստավոր զարդերով թասերը հանդիսանում են միտաղյա անոթների ընդօրինակությունը, որը, ինչպես քննությունը ցույց տվեց, սկսվել է դեռևս ուրարտական շրջանում և շարունակվել է վաղ հայկական և հելլենիստական շրջանում: Դա բացատրվում է նրանով, որ մետաղյա թասերը քիչ էին, թանկ. ուստի և անմատչելի բնակչության լայն խավերի համար: Արևմտյան շրջանում այդօրինակ թասերն այնքան ընդուն-

²⁹ О. Ш. Исмизаде, Раскопки холма Кара-Тепе в Мильской степи, «Материалы и исследования по Археологии СССР», 125, 1965, էջ 215 և հտ., նկ. 19_{1,2}:


³⁰ А. О. Мнапаканян, Г. А. Тирацян, նշվ. աշխ., էջ 76 և հտ., տախտ. 4:

³¹ Г. А. Тирацян, О расписной керамике древней Армении, էջ 276, տախտ. 12:

³² Б. Б. Пиотровский, Кармир-Блур, II, Ереван, 1952, տախտ. 18: Գ. Ա. Տիրացյան, Ուրարտական քաղաքակրթությունը և Արևմտյան Իրանը, էջ 161:



Самуил 111



Supplementary IV

ված են եղել, որ ընդօրինակվել են ոչ միայն կավով, այլև ապակիով: Ուրարտական շրջանում ընդօրինակվել են նաև գնդաձև իրանով³³ և այլ տիպի անոթներ, ինչպես, օրինակ, Արմավիրում հայտնաբերված անոթներից երկուսը, որոնք հարդարված են Գառնիի և Արմավիրի վերոհիշյալ թասերի նման և նույն եղանակով:

Դրանցից մեկը ուրարտական, մեզ հայտնի, երկու կանթերի վերևում ելուստներով սափորն է (տախտ. II₃): Այն դարչնագույն է, գնդաձև իրանով, մակերեսը լավ փայլեցրած, վիզը իրանից անջատվում է ռելիեֆ գոտիով, որից դեպի փորն են իջնում իրարից 1 սմ հեռավորությամբ ակոսներ (կանելյուր): Չնայած սափորի ուռուցիկ մասը պակասում է, բայց ներքին մասի վրա ակոսների բացակայությունը ցույց է տալիս, որ նրանք հասել են մինչև կենտրոն (բարձ. 27,5 սմ, պատ. տր. 14 սմ, հատ. տր. 8,5 սմ): Սափորը գտնվել է միջնաբերդի պահեստային շենքում և ուրարտական է:

Մյուս բեկորը, որ գտնվել է պարսպից դուրս, հյուսիսային աշտարակների միջև, ուրարտական վարպետի նշաններով խեցեղենի հետ, պատրաստված է շաղանակագույն կավից, մակերեսը պատած է կարմիր ներկով, որի վրա սեղմելու ու փայլի միջոցով արված է իրար հաջորդող լեզվաձև զարդ և նույնպես ուրարտական է (տախտ. II₄): Նման զարդ ունեցող մ. թ. ա. VIII դ. մետաղյա մի անոթ հայտնաբերվել է Լուրիստանում, հայտնի է նաև կենդանատիպ երկկանթանի առեկտոսներով ասորեստանյան և ուրարտական համարվող, մ. թ. ա. VII դարի արծաթյա մի սափոր: Մետաղե ու կավե մ. թ. ա. VI—II դարերի սափորներ են գտնվել Իրանում, Փոքր Ասիայում և Ադրբեջանում³⁴: Հնարավոր է, որ վերջինների համար օրինակ հանդիսացած լինեն ուրարտական մետաղե և կավե սափորները:

Իհնչև վերջերս արեմենյան մետաղագործությունը, այդ թվում նաև թասերը, համարվում էին Ասորեստանի շարունակությունը, և

կամ ուժեղ կերպով ենթարկվել են նրա ազդեցությանը: Սակայն արեմենյան ավանդույթների առաջացման գործում կարևոր դեր են խաղացել Լուրիստանի բրոնզյա առարկաները, դա վերաբերում է հատկապես կենդանիներ պատկերելու հատուկ ոճին³⁵: Վերջին տարիներին գիտնականների մի մասը հանդել է այն եզրակացության, թե արեմենյան մշակույթը մեծ ազդեցություն է կրել նաև ուրարտական³⁶ արվեստից: Ուրարտական մետաղագործական արտադրանքը մեծ հռչակ էր վայելում Հին Արևելքում, ուստի պատահական չէ նաև արեմենյան մետաղյա առարկաների նմանությունն ուրարտականին: Ասորեստանի, Ուրարտուի, Լուրիստանի և այդ տերիտորիայի մյուս ցեղերի մշակույթը զարգանում էր միմյանց հետ սերտ փոխհարաբերության պայմաններում, ուստի նրանք տեղական առանձնահատկություններից բացի ունեն շատ բնահանրություններ: Դեմ-հանդիման տեղադրված ելուստներով, լեզվաձև զարդերով թասեր կան ոչ միայն Ասորեստանում, այլև Ուրարտուում: Ինչ վերաբերում է արեմենյան շրջանում շատ տարածված տերեւաձև զարդերով թասերին, ապա դրանք հանդիպում են միայն Ուրարտուում³⁷: Ուրարտական պետության կործանումից հետո Հայկական լեռնաշխարհում կյանքը չզարգարեց: Քաղաքներում, ամրոցներում ու բնակավայրերում շուտով այն նորմալացավ և ուրարտական շրջանի խեցեղործական կենտրոններն իրենց գործունեությունը շարունակեցին հայկական թագավորության և արեմենյան տիրապետության ժամանակ³⁸:

Հայաստանում, Վրաստանում, Սև ծովի հարավային ափերին կատարված արեմենյան մետաղյա արտադրանքի գյուտերից ելնելով ենթադրում են, թե մետաղագործական կենտրոններից մեկը եղել է Հայկական լեռնաշխարհում³⁹: Այդ են վկայում նաև մետաղյա անոթներից կատարված կավե ընդօրինակությունները: Կավե թասերի բազմազանությունը, որ ներկատվում է Արմավիրում և Գառնիում, ոչ միայն արեմենյան աշխարհի երկրների հետ ունեցած փոխազդեցության, այլև տեղական, ուրարտական ծաղկուն խեցեղործության ավանդույթների կենսունակության արդյունք է:

³³ Б. Б. Пиотровский, Искусство Урарту, т. 109; С. И. Ходжаши, т. 2, т. 136:

³⁴ W. Culican, The Medes and Persians, London, 1965, т. 3, 28, 47; P. Amandry, Argenterie Achéménide, Collection Helene Stathatos, III, 1963, т. 262—266, 270—272, 160—161: Նույնի Toreutique Achéménide, „Antike Kunst“, 2, 1959, տախտ. 221: С. М. Казнев, Из истории Кабалнинского Магала, տախտ. X₃—5; Н. И. Рзаев, Художественная керамика Кавказской Албании, Баку, 1964, т. 10—15:

³⁵ W. Culican, т. 2, т. 29 և հետ:

³⁶ Այդ մասին տե՛ս Գ. Ա. Տիրացյան, Ուրարտական քաղաքակրթությունը և Արեմենյան Իրանը, էջ 149—163:

³⁷ Նույն տեղում, էջ 161:

³⁸ Գ. Ա. Տիրացյան, Հին հայկական պետության առաջացումը, «Պատմա-բանասիրական հանդես», № 4, 1966, էջ 95:

³⁹ Н. Luschev, т. 2, т. 51, 56:

Պեղումները վկայում են, որ Արմավիրում, ուրարտացիների անկումից հետո, կյանքը չի ընդհատվել, իսկ հետագայում, իր դիրքի շնորհիվ ավելի բարգավաճելով, քաղաքը դարձել է հայկական թագավորների նստավայրերից մեկը։ Ուրարտական շենքերի մեծ մասը օգտագործվել է նաև վաղ հայկական և հելլենիստական շրջանում։ Արմավիրի միջնաբերդի բլրի ունեֆի, անընդհատ բնակության, բնական և այլ պատճառներով շերտերը խառնվել են, և դա դեռևս հնարավորություն չի տալիս պարզորոշ կերպով սահմանադատել վաղ հայկական և հելլենիստական հարուստ ու բազմազան խեցեղենը։

Գտնիում այդ շրջանների նյութական մշակույթի մնացորդները ներկայացված են գյուղի արևմտյան ծայրում, Մարտոյի բլուր կոչված վայրում բացված փոքրաթիվ աղբատ դամբարաններով, ամրոցի մոտ պարսպից դուրս և նրա տակ ներսում երկայնքով բացված (I տեղամաս) դամբարաններով և այդ մասի շերտերում ու պալատական շենքի առջև (III տեղամաս) բացված խոր հորերում հայտ եկած նյութերով։ Ամրոցում անընդմեջ կյանքի հետ կապված նորանոր շինությունների հետևանքով այդ շերտերը մեծ մասամբ ոչնչացվել կամ խառնվել են։

Նույնը կարելի է ասել III տեղամասում բացված հորերի պարունակության վերաբերյալ։

Այստեղից (76, B և 86 քառակուսիներ) մեծ քանակի տարբեր տեսակի զոնադարդ և միագույն խեցեղեն է դուրս եկել, որոնց մեծ մասը անտարակույս հելլենիստական է, սակայն վերջինիս հետ միասին գտնված, մ. թ. ա. VII—IV դարերի տեղական (կանթեր և առանձին սև զարդերով) կավանթների բեկորները դժվարացնում են վաղ հայկական և հելլենիստական խեցեղենը զատորոշելը, քանի որ վաղ հայկական խեցեղեն անոթների ձևերը շարունակվում են նաև հելլենիստական շրջանում։ Ամրոցի ներսում պարսպի տակ բացված մ. թ. ա. II—I դարերի սալարկղային և կարասային թաղումների մեջ հայտնաբերված իրերը հիմնականում զարդեր են, խեցեղենի սակավաթիվ գյուտերը գրեթե ոչնչվել են օգնում վերահիշյալ հարցերի պարզաբանմանը։ Ամրոցում գտնված զոնադարդ խեցեղենը, որի մի քանի օրինակներ քննության առնվեցին այստեղ, գույներով ու զարդերով մասամբ տարբերվում են Արմավիրի զոնադարդ խեցեղենից։ Հայաստանի զոնադարդ խեցեղենը իր ձևերի, գույների ու զարդերի ընդհանրություններով հանդերձ, մեծ բաղմանաբանությամբ է հանդես բերում, որովհետև ամեն կենտրոն ունի իր յուրահատկությունները։

Ժ. ԽԱՉԱՏՐՅԱՆ,

О НЕКОТОРЫХ АРМЯНСКИХ АРХИТЕКТУРНЫХ ПАМЯТНИКАХ БЕЛГОРОД-ДНЕСТРОВСКА

Белгород-Днестровск был, как известно, одним из наиболее ранних городов средневековой Молдавии с многочисленным армянским населением. Ранние свидетели материальной культуры армян города, упомянутые в ряде работ, относятся к середине XV в. Однако, по мнению Гр. Гойлава, есть свидетели более раннего периода, в частности X—XII вв.¹

Поскольку до сих пор среди историков нет единого мнения относительно времени появления армян в этом городе, не будем затрагивать этот вопрос в данном исследовании.

¹ См. Gr. Gollav. Bisericile armene din Tările Române. „Revista pentru istorie, arheologie și filologie“, București, 1912, t. XII, № 1.

В результате изучения материалов по истории армянской церкви в Белгород-Днестровске, архивных источников, содержания имеющихся в нынешней церкви плит выявились некоторые положения, связанные, в частности, с количеством церквей, временем их существования, происхождением и др., препятствующие четко представить картину развития армянской церкви в Белгород-Днестровске. Раскрытию этих положений и посвящена данная статья.

Самые древние сведения армянской церкви в Белгород-Днестровске дают основание предполагать, что она относится к XIV в. Этому мнению придерживается известный исследователь истории армян Молдавии и Румынии Х. Дж. Сируни, который, ссылаясь на сведения Г. Алишана, историка XIX в., указывает, что в 1384 г. католикос Теодорос назначил Ованеса епископом ар-